

بشنجی سنه

میس ۲۳ ۱۳۱۲


نومرو ۲۲

۲۲ ذی الحجہ ۱۳۱۳

آبونه بدلی

برسنه لك الی ایکی نسخه می پوسته
اجرتیه برار بروجہ پیشین ۲۵
غروش، استانبول ایچون اداره خا.
تہدن آلتیق اوزرہ ۲۰ غروشه در.

نسخہ می ۲۰ بارہ در



ادارہ خانہ می

باب عالی چادہ سندہ قسبار کتب خانہ.
سیدو. رسالہ یہ متعلق کافہ مستو.
لیت و خصوصیات ایچون (قسبار
کتب خانہ سنہ) مراجعت اولو نور.

نسخہ می ۲۰ بارہ در

پنچشنبہ کونلری نشر اولو نور فنی و ادبی رسالہ

(محرری : اسماعیل صفا)

کدیکی اساسسز مشاهداتی معناسز کله لره ایضاچه
قالقشورلر . وسعتک - قوت کبی - ماده نك خاصه
مستلزمه سی اولدینی اثبات اولمش ایکن بونکله
قتاعت حاصل ایدهمیوب بیوده یره سنه لرحه
عالم خیالی اره سننده جولان ایدوب نتیجه تدقیق
اوله رق اکلاشماز بیک درلو الفاضدن مرکب
دستورلردن باشقه برشی استخراج ایدهمیان
فیلزوفلر میدانده درلر .

بو خصوصده کندیلرینه بحق علامه تسمیه
اولنه بیلان قانت ، هه غل و ساثره لردنخی بوکا
مماثل کلات ایشیدلمشدر .

عقل و ذکالریک عظمتی من غیر حد اعتراف
ایله برابر کندیلرینه آجدقلری جیغره سلوک
ایتمه ده مختارز .

ابن الرشاد محمود

• نوم و رؤیا فکری •

فکرك طبیعت بشریه خاصه مستلزمه سی
اولدیفنه ذاهب اولتور ایسه ده بو خاصه نك اجناس
مختلفه کوره تدنی و تر قیده بولندینی قبل المشاهده
تصدیق اولنه بیلیر .

بر جاهلک جزئی تجارب و مشاهداتی کوز
اوکنه کتیرر ایساک حسیات باطنه نك کندیسنده
مفقودتی عیان اولور . اطرافنی احاطه ایدن
اشیائی کورور ، طوتار و خدمتنده قوللانیرده
بو خصوصده بر فکر حاصل ایده من . لسانی
بو فکری افاده دن عاجزدر .

بعض کره ایستیمه رك فکر مزدن بیک درلو

خیالات - ماده ، قوت ، . . . الخ کبی - کچرده
هیچ برسی فکر مزنی اشغال ایتمه دن غائب اولور -
بوکا دوشونمک ذینه من دوشونمه یلمک ایچون
اختیار مزله فکر مزنی تضییقه مجبورز . حالبوکه
بر جاهل یعنی ابتدائی آدمک نه فکر نده قوت نه
اختیار نده نفوذ اولمدیفندن دوشونمک بکنی دوشونه من .
ابتدائی حالده بولندینی وقتلر نه اصل دوشندیکنی
ونده دوشندیکنی شیک نه اولدیفنی فکر ایتمک من
دوشنور . بروحشی دائره حواسک ارئه ایتدیکنی
اشیا ایله بالکیز کسب الفت ایدمیلوب برداثره نك
فوقه چقدیفنی تقدیرده خواص اشیا به متعلق
تیجه دن بشقه صرف عقلی برشی استخراج
ایدمن . مثال کتیره لم :

بر وحشی ایچی بوش بر جانباز کله سی بولسه ؛
بوکله بی قالدیردقدنصکره آغیر ویا خفیف اولدیفنی
اکلار سه ده ، ایچنک بوش اولوب اولدیفنی خاطرینه
کلز . چونکه کله مک جمعی ایله نقاتی ییننده کی تضادی
حس ایده من .

قبل المشاهده ظاهر اولان شو قابلیتسنرک
بعد المشاهده تحقیق ایدر . ته کم ، وحشی بر حالک
جریانی الهامات درونیه ایله بیان ایدمیلوب القات
خارجیه به اطاعت ایدرک سویلر . بزبیله چوق کره لر
افعال عقلیه بی افاده و بیانده ایچق مادیاته تطبیق
اولنه بیلان کلمات عادیه قوللانیرز . مثلاً : شو
ماده نك کوزل تفسیر وایضاح اولندیفنی « کوربورم »
ویا خود : شو ادله نك حقیقتی « حس ایدبورم »
دیرز . فقط بز بوکله لری مجازی اوله رق سویلر .
حالبوکه وحشی ، قوای باصره و لامیه بی ارئه
ایدن بوالفاظی ، معنای حقیقیسنندن تقریب ایده من .

الحاصل - اسپنرک علم الروح حنده دیدیکی کبی -
کوزنی فکرینک تمثال مجسمی عد ایدر .

قاعده محرکه داخلیه اولان فکرک نه اولدیفنی
اکلامدقجه رؤیانکده نه اولدیفنی اکلامه من . مادامکه
فکرک خواصنه واقف دکلددر ، رؤیاسنده کوردیکی ،
ایشتدیکی و یابدیفنی شیلریده فکرک صور احکامنه
عطف ایدم من . ایشته بویه بولدیفنی بر حالده
رؤیالرکده نه درلو تفسیره اوغرا دقلرینی ایضاح
ایدم .

معلومدرکه بروحشینک تعیشی غیر منتظمدر .
بوکون آو بولور یارین بوله من . کرک آخلق
وکرک زیاده سیله طوقلق رؤیایی تشدید ایدر .
صباحدن افشامه قدر آو آرامق نییله طاغیری
طولاشیر ، آرزوسنی یرینه کتیر مکسزین کلبه سته
کلیر صیزار . رؤیاسنده نه کبی شیلر کوره چکی
آشکاردر . آج طاووغک رؤیاسنه مشابه بیگ درلو
خیالات . آوینی اورور ، یوزر ، پیشیر و لقمه بی
آغزبنه کوتوره چکی وقت اوپانور . اکر (آدم
رؤیا ایش به) دیه سیله خاصه مفکره نک کندیسند
خیلیجه موجودیتی تصدیق ایتک لازمکلور .
حالبوکه ، یوقاریده بیان ایلدیکمز وجهله ، دوشونمک
فکری ککندیسند بک ناقص بولندیفندن قوه
باصرمه سنی خاصه مفکره سی ایله مساوی قیلار . دیمک
اولیورکه کوردیکی رؤیایک رؤیا اولدیفنه حکم
ایده میوب ماده و قوعبولمش ظن و براز دها
بکلیوب قارتی طوپورامادیفنه اسف ایدر . (آدم
رؤیا ایش به) دیموب بلکه (واه واه) دیر .

قارتی طبعه سیله طوپور دیفنی و قتلر اویقوسنده
قورقونج رؤیالر کورر . مثلاً بر اینک کندیسنی

قوغا لادیفنی و قورتلحق ایچون قاچارکن آیاقلرینک
طولاشدیفنی حس ایدوب باغیره رق اوپانور ،
بو تحول آتی بی بردرلو اکلامه ماز . یاننده کی زوجه سته
نه کوردیکنی اکلا دیر . زوجه سی جواباً آوینی
کوردیکنی و حالبوکه باغیر دیفنی ایشتدیکنی سویلر .
بونک اوزرینه وحشی عجباً نه کبی نتیجه استخراج
ایده بیلور ؟ وجودینک ایکی شخصه مکان اولدیفنه
واشای نومده شخصیندن برینک سیاحتده ،
دیگرینکده خواب راحتده بولندیفنه ذاهب اولور .
ایشته رؤیالریده ایکنجی شخصک جولانی اناسنده
کوروب کچیردیکی مشاهداتک نتیجه تأثیری اولدیفنه
اینانور .

(فیزیق) لر ، اویقونک ، ایکنجی شخصک
سیر و سفر ایتک آرزوسندن نشأت ایشتدیکنه
قائلدرلر .

وحشیلردن بری شویه بر رؤیا کورور : ایکی
آی اول اولن برادری مهورانه بر طور ایل
کندیسنی طایوب طانیدیفنی و ییچون اینک
بوغازلادیفنده کندیسنی یاد ایتدیکنی صورار .
بریکینک (نه یاهیم اونوتم) جوابی اوزرینه
بر تکمه یر ، اوپانور . حقیقتاًده صول طرفده
بر صیزی قالور (!) قاقار قالمز حکایه بی ارقداشارینه
اکلا دیر . بونلر کندیسنک یاناغندن بریره ایرلدیفنی
سویلرلر . بونک اوزرینه یوقاریده قابلیتسلرلکی
بیان ایلدیکمز وجهله - هیچ اثر تعجب کوسترمه رک
برادرینی کیدوب کورن و دایاق ییهن ایکنجی
شخص اولدیفنی سویلر .

رؤیا حقیقده مشاهده ایستدیکمز شو اعتقادات
باطله عکس تأثیر ایله سائر افکار مثبتیه دخی
رخنه دار ایدر . شویه که :

